

II - ARABAKO LURRALDE HISTORIKOAREN TOKI ADMINISTRAZIOA

KANPEZUKO UDALA

Behin betiko onarpena ematea udalaren materiala mailegatzearen eta lokalen erabilera lagatzearen prezio publikoa arautzen duen ordenantzaren aldaketari

Udalbatzak, 2016ko uztailaren 12ko ohiko bilkuran, behin-behineko onarpena eman zion udalaren materiala mailegatzearen eta lokalen erabilera lagatzearen prezio publikoa arautzen duen zerga ordenantzaren aldaketari. Aldaketa horri behin-behineko onarpena ematen dion erabakia jendaurrean egon den bitartean, haren aurkako erreklamaziorik aurkeztu ez denez gero, behin-behineko erabaki hori behin betiko erabaki bihurtu da, uztailaren 19ko 41/1989 Foru Arauaren, toki ogasunak arautzen dituenaren, 16.3 artikulua eta apirilaren 2ko 7/1985 Legearen, toki araubidearen oinarriak arautzen dituenaren, 49.c) artikulua xedatutakoarekin bat etorritz.

Foru arau horrek 16.4 artikuluan eta TAOLek 70.2 artikuluan aurreikusitakoa betetzeko, oso-osorik agitaratzen dira aldaketen eta ordenantza berriaren testuak:

Eranskina

Erabilera eta espazio publikoak eta udal ondasunak arautzen dituen ordenantza

1. artikulua. Kontzeptua

Uztailaren 19ko 41/1989 Foru Arauak, toki ogasunak arautzen dituenak, 43. artikuluan xedatzen duenarekin bat etorritz, udal honek beherago deskribatzen diren udal lokalen edo udalaren jabetzako materialen erabilera aldi baterako lagatzeko zerbitzuen prezio publikoa ezartzen du.

2. artikulua. Ordaintzera behartuta dauden pertsonak

Udal honek bereak dituen eta erabiltzeko lagatzen dituen lokal, instalazio edo ondasunen erabileratik onura ateratzen duten pertsonak ordaindu beharko dute ordenantza honetan araututako prezio publikoa.

3. artikulua. Zenbatekoa

Ordenantza honetan araututako prezio publikoaren tarifak honako hauek izango dira:

- Kultur Etxeko gela erabiltzea: 40 euro
- Kultur Etxeko ekitaldi aretoa erabiltzea: 100 euro eguneko egun erdia, 50 euro
- Udaletxeko gela erabiltzea: 50 euro bilerako eta eguneko
- Udal pilotalekuaren eraikina erabiltzea: 150 euro eguneko
- Udal kiroldegia edo pilotalekuaren eraikina gaua emateko erabiltzea. Alkatetzari eskatu behar zaio; hark kasu bakoitza aztertuko du eta eraikina horretarako erabil daitekeen erabakiko du.
- Udal igerilekuetako instalazioak erabiltzea: 150 euro eguneko.
- Udal lonjak erabiltzea: 50 euro eguneko.

— Materiala erabiltzea:

Proiektagailua: 20 euro eguneko edo jarduerako.

Agertokia: 50 euro eguneko edo jarduerako.

Beste material batzuk: 50 euro eguneko edo jarduerako.

Kultur etxeko eta udaletxeko instalazioak zabalik egon ohi diren ordutegian erabiliko dira. Jarduerak ohiko ordutegitik kanpo egiteko eskaerek tasa hau izango dute: 50 euro eguneko edo bilerako.

Instalazio bat herri bazkaria egiteko erabili nahi izanez gero, eskatzaileek instalazioa babestu behar dute, euren kargura, zorua ez narriatzeko. Eginbehar hori betetzen ez bada, fidantza atxikiko da kalteak ordaintzeko.

4. artikulua. Salbuespenak eta hobariak

Erabilerarako lagapenak bost egun baino gehiago irauten badu jarraian, hobaria ezarriko da: ehuneko 70 gehienez.

Prezio publikoa ordaindu beharraren salbuespena deklaratu ahal izango da onura publikoko arrazoiak daudenean. Onura publikoko arrazoiak egongo dira udalerrri honetako kultura edo kirol elkarteek eta erroldatutako pertsona fisikoek egiten badute eskaera, edo administrazio publikoren batek egiten badu. Horrelakoetan, egin beharreko jardueraren kartela aurkeztu beharko dute eskaerarekin batera, eta kartelean Udalaren logoa ageriko da, Udala erakunde laguntzailea dela adierazteko.

5. artikulua. Ordaintzera behartuta dauden pertsonak

Ordenantza honetan arautzen den prezio publikoa ordaindu beharra Udalaren baimena jaso ondoren pertsona fisikoak edo juridikoak erabilerari ekiten dienean sortuko da.

6. artikulua. Kudeaketa arauak

Ordenantza honetan aipatzen diren lekuak erabili nahi dituzten pertsonak eskaera zehatza aurkeztu beharko diote Udalari, gutxienez 4 egun natural lehenago, antolaketa arrazoiak direla eta. Gutxienezko aldi hori errespetatu ezean, eskatutakoa ukatu ahal izango da.

Eskaeran azaldu behar da zer jarduera egin nahi den, jarduerak zenbat iraungo duen eta zer erabili nahi den.

Ekitaldi aretoa, frontoiko instalazioak, kiroldegia, igerilekuak, lonjak edo agertokia erabili nahi izanez gero, fidantza jarri beharko da: udalerriko elkarteek (erregistratuek) 100 euro eta besteek 200 euro. Fidantza instalazioak erabili aurretik egon diren bezala utzi direla egiaztatutakoan itzuliko da. Hain zuzen ere, instalazioak erabilera amaitu eta hurrengo egun baliodunean egiaztatuko dira, eta fidantza egiaztapena egiten denetik 48 ordu baino lehen itzuliko da.

Hirugarren idatz zatian aipatzen diren kopuruak eta idatz zati honetan aipatzen den fidantza instalazioak edo materiala erabiltzen hasi baino lehen ordaindu behar dira; ordaindu ezean, eskatutakoa ukatu daiteke.

Alkatetzak dauka eskatutakoa onartzeko edo ukatzeko eskumena.

Azken xedapena

Zerga ordenantza hau ALHAOn argitaratzen den egunean jarriko da indarrean, eta indarrean egongo da berriaz aldatu edo indargabetu arte.

Santikurutze Kanpezu, 2016ko irailaren 13a

Alkatea

IBERNALO BASTERRA TXASKO